



PREZIDÉNSIA KONSELLU MINISTRUS

VI GOVERNUN KONSTITUSIONÁL

DÍLI, LORON 11 FULAN-JULLU TINAN 2017

KOMUNIKADU IMPRENSA

Sorumtuk Konsellu Ministrus nian iha loron 11 fulan-jullu tinan 2017

Konsellu Ministrus hala'o sorumtuk iha loron-terça ne'e, iha Palásiu Governu, iha Dili no aprova ona Rezolusaun Governu nian kona-ba nomeasaun Rosário da Graça Maia ba Prezidente Konsellu Diretivu [TATOLI - Ajénsia Notisioza Timor-Leste, IP](#) nian ba tinan haat tuirmai, ne'ebé propoin husi Ministru Estadu Prezidénsia Konsellu Ministrus.

Ministra Turizmu, Arte no Kultura interina apresenta **Developing Brand Tourism Timor-Leste**. Ho apoiu husi ONG Asia Foundation nian, promove ona kriasaun imajen marka nian ida husi nasaun ne'e, ba promosaun institusionál iha merkadu internasionál sira.

Hetan ona aprovasaun Rezolusaun Governu nian rua ne'ebé propoin husi Sekretáriu Estadu Juventude no Desportu nian: ida kona-ba **Parlamentu Foin-sa'e no ida seluk kona-ba Política Nasionál ba Dezenvolvimentu Desportu nian**. Hafoin funsiona iha tinan ualu nia laran, Parlamentu Foin-sa'e ne'e konsolida an hanesan instrumentu susesu nian ida. Durante tinan hirak ne'e, halo ona alterasaun balu ne'ebé la temi iha programa orijinal, liuliu aumentu ba número foin-sa'e ne'ebé atu tuur iha Parlamentu Foin-sa'e sira nian ne'e, atu asegura partisipasaun representante na'in rua husi foin-sa'e ho defisiénsia sira, hanaruk "mandatu" foin-sa'e sira iha Parlamentu ne'e nian ba másimu tinan tolu, atu garante no maksimiza efeitu sira husi programa ne'e no hametin atividade sira iha âmbito lideransa no empiendedorizmu nian.

Tanba sai hanesan prioridade ida iha Planu Estratéjiku Dezenvolvimentu tinan 2011-2030 nian, Governu decide ona atu adota Política Nasionál ida ba Dezenvolvimentu Desportu nian. Desizaun ida-ne'e nu'udar kontinuasaun husi iniciativa oin-oin ne'ebé maka kontribui ona atu hametin entidade ne'ebé forma Movimentu Desportivu, liuliu Komité Olímpiku, Komité Paralímpiku no Komité Espesial Olímpiku, Konfederasaun Desportu nian no federasaun sira, asosiasaun no klube ativu sira iha país laran.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

Ikus liu, Konsellu-Ministrus aprova **Proposta Rezolusaun Parlamentu Nasionál nian ne'ebé aprova Akordu kona-ba Kooperasaun Téknika no Programa Kooperasaun Voluntáriu sira husi Japaun ba Tasi Balu entre Timor-Leste no Japaun**. Proposta ne'e apresenta husi Ministru Negósius Estranjeirus no Kooperasaun, no ninia objetivu maka atu hametin lasu amizade no intensifika kooperasaun entre país rua ne'e.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608